

黃氏逸書考

子史鈎沈

逸書考

傅暢晉諸公讚

甘泉黃奭學

太祖文帝

晉文王晉臺置強弩將軍掌宿衛

御覽二百三十九

世祖武帝

世祖時西域獻二足烏遂累有赤烏來集此
昌陵縣案昌字重日烏者日中之烏有託體
陽精應期曜質以顯至德者也

藝文九十九
御覽九百

二十

世祖時西域獻孔雀解人語彈指應聲起儼

御覽九百二十四 藝文九十一 引彈指作

義陽王望

帝常與中護軍司馬望侍中王沈散騎常侍
裴秀黃門侍郎鍾會等講宴於東堂并屬文
論名秀爲儒林丈人沈爲文籍先生望會亦
各有名號帝性急請召欲速秀等在內職到
得及時以望在外特給追鋒車虎賁卒五人
每有集會望輒奔馳而至

魏志高貴鄉公紀

望字子初孚之長子有才識早知名咸熙中
位至司徒入晉封義陽王遷太尉大司馬時
孚爲太宰父子居上公位自中代以來未之
有也洪子孔業封河間王魏志司馬朗傳注
洪望子 御覽二
百九引義陽王爲大司馬時父子爲太宰父
子居上公中代以來未之有也

高陽王珪

司馬珪時多令望早歷顯職晉受禪爲尙書
左僕射時年三十七衆論以爲美書鈔五十
九藝文
時多令望作少

四十八
時令望

武哀王騰

司馬騰

原訛騰下同

字元邁文獻王泰之第二子

也性沉壯起家爲冗從僕射騰意欲棄官以

自顯出爲郡守

御覽二百四十二

書鈔六

起官爲冗從僕射意欲棄官以自顯由此爲

南陽太守

東嬴王騰

原訛騰下同

於常山屯營時大積常山

門前方數丈融液騰怪而掘之得玉馬高尺

餘

藝文卷一

南陽王模

司馬模居關中鑄環銅人鑪簠爲金器以易穀藝文八十四

扶風王駿

駿八歲爲散騎常侍侍魏齊王講晉受禪封扶風王鎮關中爲政最美薨贈武王西土思之但見其碑贊者皆拜之而泣其遺愛如此

世說德行篇注 書鈔一百二引司馬駿鎮西戎旣葬西戎之人見碑無不涕泣

司馬駿五六歲能書數魏王爲帝駿八歲爲散騎常侍侍講御覽二百二十四

扶風王年八歲聰明善詩賦中表奇之魏烈

祖以爲齊王芳文學

書鈔七十一百四十八

御覽二

司馬駿八歲爲散騎常侍侍講十二遷步兵

校尉

書鈔五十八

扶風王駿爲光祿比秩三司劍履上殿入朝

不趨

書鈔五十六

齊王攸

任愷王俊齊王攸皆爲魏員外散騎常侍時

公族務在閑任故置外位也

書鈔五十八疑當作俊

趙王倫

司馬倫字子彝咸熙中趙王進征西假節都督雍梁晉諸軍事倫誅羌大酋數十人胡遂反朝議召倫還

文選潘安仁關中詩注

夫人九嬪

舊制貴嬪夫人比三公假金紫淑媛叔儀修容修儀婕妤好容華光華爲九嬪比九卿假銀

青

御覽一百四十五

繁昌公主

初衛瓘子宣尙世祖女繁昌公主宣遇黃門
不厚致有讒構楊駿欲專朝政諷內外奪宣
主權由此去位上會諸妃主議問宣待汝薄
今欲離汝意云何主素訥不能自伸但泣泣
是不欲離諸妃主因言泣是婦人重於再出
故泣耳於是遂離與姊妹書稱故新婦御覽
一百一

五十二

宣華公主

賈后女宣華公主葬羽葆鼓吹熊渠侯飛爲

鹵簿

御覽五百五十四又六百八十一

郭惠 郭喜

惠字彥孫司馬景王輔政以女妻惠妻早亡
文王復以女繼室卽京兆長公主景文二王
欲自結於郭后是以頻繁爲婚惠雖無才學
而恭謹謙順甄溫字仲舒與郭建及惠等皆
后族以事宜見寵咸熙初封郭建爲臨清縣
公惠廣安縣公邑皆千八百戶溫本國侯進
爲輔國大將軍加侍中領射聲校尉惠鎮軍

大將軍泰始元年晉受禪加建惠溫三人位
特進惠爲人貞素加以世祖姊丈是以遂貴
當世惠暮年官更轉爲宗正遷侍中太康中
大司馬齊王攸當之藩惠與左衛將軍王濟
共諫請時人嘉之世祖以此望惠由此出惠
爲大鴻臚加侍中光祿大夫尋疾薨贈中軍
大將軍開府侍中如故諡恭公子喜嗣喜精
粹有器美厯中書郎右衛將軍侍中位至輔
國大將軍加散騎常侍喜與國姻親而經趙

王倫齊王問事故能不豫際會良由其才短
然亦以退靜免之

魏志后妃傳注

王祥

祥字休徵琅邪臨沂人

世說德行篇注

王覽

覽率素有至行覽子孫繁衍頗有賢才相繼
奕世之盛古今少比焉

魏志呂虔傳注

郭建

建字叔始有器局而彊問泰始中疾薨叔始

傳暢晉諸公讚

補刊

爲給事中

魏志后妃傳注

郭配

淮弟配字仲南有重名位至城陽太守裴秀
賈充皆配女壻子展字泰舒有器度幹用歷
職著績終於太僕次弟豫字泰寧相國參軍
知名早卒女適王衍配弟鎮字季南謁者僕
射鎮子奕字太業

魏志郭淮傳注 世說規
箴篇注引郭豫字太寧太

原人仕至相國參軍知名早卒

郭奕

奕字太業太原陽曲人累世舊族奕有才望
歷雍州刺史尚書

世說賞譽篇注

郭展

郭展爲太僕留心於養生是以廢馬充牣其

後征吳得以濟事

藝文四十九

御覽二百

僕下卽接廢馬至末

牣作丁

又五十四引晉書公卿表同藝文

崔林

初林拔同郡王經於民伍之中卒爲名士世

以此稱之

魏志崔林傳注

崔隨

述弟隨晉尚書僕射爲人亮濟趙王倫篡位
隨與其事倫敗隨亦廢錮而卒

魏志崔林傳注

崔瑋

林孫瑋性率而疎至太子右衛率

魏志崔林傳注

王經

沈業將出呼王經經不從曰吾子行矣

魏志高貴

鄉公紀注

世說賢媛篇注

何曾

曾以高雅稱加性純孝位至太常封朗陵縣
公年八十餘薨諡曰元公子邵嗣邵字敬祖
才識深博有經國體儀位亦至太宰諡康公
子蕤嗣邵庶兄遵字思祖有幹能少經清職
終爲太僕遵子紱字伯蔚亦以幹事稱永嘉
中爲尙書爲司馬越所殺

魏志何夔傳注

何曾字穎考陳郡陽夏人父夔魏太僕曾以
高雅稱加性仁孝累遷司隸校尉用心甚正
朝廷憚之仕晉至太宰

世說任誕篇注

高儁 高誕 高光

柔長子儁大將軍掾次誕歷三州刺史太僕
誕放率不倫而決烈過人次光字宣茂少習
家業明練法理晉武帝時爲黃沙御史與中
丞同遷守廷尉後卽眞兄誕與光異操謂光
小節常輕侮之而光事誕愈謹終尙書令追
贈司空

魏志高柔傳注

羊祜

羊祜字叔子太山平陽人也世長吏二千石

至祐九世以清德稱爲兒時遊汝濱有行父
止而觀焉嘆息曰處士大好相善爲之未六
十當有重功於天下卽富貴無相忘遂去莫
知所在果遷都督荊州諸軍事自在南夏吳
人悅服稱曰羊公莫敢名者南州人聞公喪
號哭罷市

世說言語篇注

羊祜薨贈太傅南州以市日聞喪卽號哭罷
市

文選沈休文齊故安陸昭王碑文注

李喜

民國甲戌

傅暢晉諸公讚

九江都朱氏

喜字季和上黨銅鞮人也少有高行研精藝
學宣帝爲相國辟喜喜固辭疾景帝輔政爲
從事中郎累遷光祿大夫特進贈太保世說
篇注 文選羊叔子讓開府表注引喜字季
和上黨人少有高行爲僕射年老遜位拜光
祿大夫

杜預

尚書杜預欲爲平底釜謂於薪火爲省黃門
郎賈彝於世祖前面質預曰釜之尖下以備
沃洗今若平底無以去水預亦不能折之御覽

七百五十七

杜預元凱作連機水碓由此洛下穀米豐賤
白帖春 御覽七百六十二引征南杜預作連機碓

杜錫

字世嚴

嘏有器局預從兄斌字世將亦有才望爲黃
門郎爲趙王倫所枉殺嘏子乂字洪治少有
令名爲丹陽丞早卒
魏志杜畿傳注末又云阮武者亦拓落大才也
不知所屬姑附於此

杜育

民國甲戌

傅暢晉諸公讚

十江都朱氏

杜育字方叔襄城鄧陵人杜襲孫也有幼便
歧嶷號神童及長美風姿有才藻時人號曰
杜聖累遷國子祭酒洛陽將沒爲賊所殺世
品藻篇注

文鴛一名倣

倣後爲將軍破涼州虜名聞天下太康中爲
東夷校尉假節當之職入辭武帝帝見而惡
之託以他事免倣官東安公繇諸葛誕外孫
欲殺倣因誅楊駿誣倣謀逆遂夷三族

魏志諸葛

誕傳注

文叔破虜之後名聞天下當爲東夷校尉入
辭世祖見而惡之恐居邊不信密諷監司奏
叔陽造四望車僭飾過制免官

御覽七百七十五

賈充

充字公閭甘露中爲將軍長史高貴鄉公之
難司馬文王賴充以免爲晉室元功之臣位
至太宰封魯公諡曰武公

魏志賈逵傳注

充字公閭襄陵人父逵魏豫州刺史充起家

民國甲戌
專場晉諸公贊

十二江都朱氏

爲尙書遷廷尉聽訟稱平晉受禪封魯郡公
充有才識明達治體加善刑法由此與散騎
常侍裴楷共定科令蠲除密網以爲晉律薨
贈太宰

世說政事篇注

賈充爲太尉行太子太保以公位重其爲保
傅或領各隨其時

御覽二百四十四書鈔
六十五引賈充以太尉領

太子太保錄尙書事

賈充妻李氏

世祖踐阼李氏赦還而齊獻王妃欲令充遣

郭母更納其母充不允爲李氏築宅而不往
來充母柳氏將亡充問所欲言者柳曰我教
汝迎李新婦尙不肯安問他事

世說賢媛篇注

世祖以李豐得罪晉室又郭氏是太子妃無
離絕之理乃下詔勅斷不得往還

世說同上

李氏有才德世稱李夫人訓者生女合亦才
明卽齊王妃

世說同上

賈充妻郭氏

郭氏卽賈后母也爲性高朗知后無子甚憂

愛愍懷每勸厲之臨亡誨賈后令盡意於太子言甚切至趙充華及賈謐母並勿令出入宮中又曰此皆亂汝事后不能用終至誅夷

世說或弱篇注

韓壽

自暨以下世治素業壽能敦尙家風性尤忠厚早歷清職惠帝踐阼爲散騎常侍遷守河南尹病卒贈驃騎將軍壽妻賈充女充無後以壽子謐爲嗣弱冠爲祕書監侍中性驕佚

而才出衆少子蔚亦有器望並爲趙王倫所
誅韓氏遂滅

魏志韓暨傳注

壽字德眞南陽赭陽人曾祖暨魏司徒有高
行壽敦家風性忠厚

世說惑溺篇注

胡遵

胡

奮

胡

烈

胡

喜

胡烈兒名淵字世元遵之孫也遵安定人以
才兼文武累居藩鎮至車騎將軍子奮字玄
威亦歷方任女爲晉武帝貴人有寵太康中
以奮爲尙書僕射加鎮東大將軍開府弟廣

字宣祖少府次烈字玄武秦州刺史次歧字
玄嶷并州刺史廣子喜涼州刺史淵小字鶴
鵬年十八殺會救父名震遠近後趙王倫篡
位三王興義倫使淵與張泓將兵禦齊王屢
破齊軍會成都戰克淵乃歸降伏法

魏志鍾
會傳注

裴秀

司空裴秀以舊天下大圖用縑八十疋省視
既難事又不審乃截減爲方丈圖以一分爲
十里一寸爲百里備載名山都邑王者可不

下堂而知四方也

書鈔九十六

裴頠

裴頠談理與王夷甫不相推下

世說文學篇注

自魏太常夏侯玄步兵校尉阮籍等皆著道
德論於時侍中樂廣吏部郎劉漢亦體道而
言約尚書令王夷甫講理而才虛散騎常侍
戴奧以學道爲業後進庾數之徒皆希慕簡
曠頤疾世俗爲虛無之理故著崇有_二論以
折之才博喻廣學者不能究_一後樂廣與頤清

問欲說理而頗辭愈豐博廣自以體虛無笑而不復言

世說同上

惠帝時裴頠拜爲國子祭酒奏立國子太學起講堂築門闕刻石寫五經也

書錄六十七

三引無拜字無末五字

藝文三十四御覽五百二十四

裴楷

裴楷字叔則河東聞喜人司空秀之從弟也父徽冀州刺史有俊識楷特精易義累遷河

南尹中書令卒

世說德行篇注

裴楷爲中書令加侍中與光祿大夫張華俱處機密楷有時望而華獨開府時皆責之華不敢受尋進楷開府

書鈔五十七

楷與琅邪王戎俱爲掾發名鍾會致之大將軍司馬文王曰裴楷清通王戎簡要文王卽辟爲掾進歷顯位

魏志裴潛傳注

楷息瓚取楊駿女駿誅以相婚黨收付廷尉侍中傅祗證楷素志由此得免

世說雅量篇注

裴瓚

傳明晉書卷之四
瑣字國寶楮之子才氣爽儁終中書郎

世說品藻

裴憲

憲有清識

魏志裴潛傳注

裴康

康有弘量歷太子左率

世說品藻篇注引康有

弘量

裴綽

綽以明達爲稱

魏志裴潛傳注

裴遐

裴遐字叔道河東人父緯長水校尉少有理稱辟司空掾散騎郎

世說文學篇注

裴邈

邈字景聲河東聞喜人少有通才從兄顗器賞之每與清言終日達曙自謂理構多如輒每謝之然未能出也歷太傅從事中郎左司馬監東海王軍事少爲文士而經事爲將雖非其才而以罕重稱也

世說雅量篇注

諸葛靚

靚字季思琅邪人司空誕少子也雅正有才
誕以壽陽叛靚入質於吳以靚爲右將軍大
司馬

世說言語篇注

吳亡靚入洛以父誕爲太祖所殺誓不見世
祖世祖叔 琅邪王妃靚之姊也帝後因靚
在姊間往就見焉靚逃於廁中於是以至孝
發名時嵇康亦被法而康子紹死蕩陰之役
談者咸曰觀紹靚二人然後知忠孝之道區

以別矣

世說方正篇注

衛瓘

瓘字伯玉河東安邑人少以明識清允稱傳
嘏恆貴重之謂之寧武子仕至太僕爲楚王
瑋所害

世說識鑒篇注

衛玠

衛玠字叔寶河東安邑人祖父瓘太尉父恆

黃門侍郎

世說言語篇注

張華

楚王瑋矯詔害汝南王亮其夜帝臨東堂張
華唱議乃遣左右以白虎幡麾之然後兵散
御覽三百四十一

張華博識多聞問無不知爲太子舍人書鈔
六魏志盧毓傳注引問無作無物無末五
字

陳準

陳準爲中書令張華爲監準與華俱處機密
而準推崇之每直日有詔書無大小輒先示
華了不措意華得詔書不以示準省中號準

爲中書五郎其從容如此

御覽二百二十藝文四十引至不

以示準陳準作疎淮誤

此陳準與下條陳準疑是一人姑分爲二俟考

陳准

陳准字道基有德器爲太子舍人

書鈔六十

荀顗

顗字景倩或之子蹈禮立德思議溫雅加深

識國體累遷光祿大夫晉受禪封臨淮公典

朝儀刊正國式爲一代之制轉太尉爲台輔

德望清重留心禮教卒諡康公

世說品藻篇注

民國甲戌

專易晉者公贊

十六江都朱氏

荀勗

荀勗領祕書監太康二年汲郡冢中得竹書
勗躬自撰次注寫以爲中經列於祕書經傳
闕文多所證明

御覽二百三十四

初學記

世祖時以荀勗所造律得周時玉律以校正
同荀勗奏曰中所出御府銅管律二十五具
與杜夔左延年法同

藝文卷五

滿奮

奮體量清雅有曾祖寵之風遷尙書令爲荀

顓所害

世說言語篇注

魏志滿寵傳注引

王濟

王濟字武子太原晉陽人司空渾第二子也

有儁才能清言起家中書郎終太僕

世說言語篇注

齊王當出藩而王濟諫請無數又累遣常山

王與婦長廣公主共入稽顙陳乞留之世祖

甚恚謂王戎曰我兄弟至親今出齊王自朕

家計而甄德王濟連遣婦人來生哭人邪濟

等尙爾況餘者乎濟自此被責左遷國子祭

酒世說方正篇注

王濟左遷國子祭酒數年入爲侍中文選傳長虞贈

何劭王濟詩注

濟與從兄恬不平濟爲河南尹未拜行過王
宮吏不時下道濟於車前鞭之有司奏免官
論者以濟爲不長者尋轉太僕而王恬已見
重任濟遂斥外世說汰侈篇注書鈔七十
六引王濟爲河南尹未拜過
王官吏不下道濟鞭之

魏舒

魏舒雖有字量衆望未能悉歸侍中任愷爲
世祖所委任泰始中啟舒散騎常侍侍中尙
書今又爲吏部選僕射舒雖體度宏雅而才
鈍無所創設遷光祿大夫開府領司徒世祖
臨軒使太常任愷拜授朝廷以愷前啟拔舒
而爲主人人爲愷怨之也

御覽六百三十一
案末語有訛誤

任愷

愷字元哀樂安博昌人有雅識國幹萬機大
小多綜之與賈充不平充乃啟愷掌吏部又

使有司奏愷用御食器坐免官世祖情遂薄

焉

世說任誕篇注

山濤

山濤爲吏部尙書官人稱允

書鈔三十六又六十

劉邠

邠本名炎犯晉太子諱改爲邠位至太子僕
子粹字純嘏侍中次宏字終嘏太常次漢字
仲嘏光祿大夫漢清沖有貴識名亞樂廣宏
子咸徐州刺史次耽晉陵內史耽子恢字真

長尹丹陽爲中興名士也

魏志管輅傳注

陸亮

亮字長興河內野王人太常陸乂兄也性高明而率至爲賈充所親待山濤爲左僕射領選濤行業旣與充異自以爲世數所敬選用之事與充咨論充每不得其所欲好事者說充宜授心腹人爲吏部尙書參同選若意不齊事不得諧可不召公與選而實得敘所懷充以爲然乃啟亮公忠無私濤以亮將與已

異又恐其協情不允累啟亮可爲左丞相非
選官才世祖不許濤乃辭疾還家亮在職果
不能允坐事免官

世說政事篇注

許允

允有正情與文帝不平遂幽殺之

世說賢媛篇注

許奇

允子

奇泰始中爲太常丞世祖嘗祠廟奇應行事
朝廷以奇受害之門不令接近出爲長史世
祖下詔述允宿望又稱奇才擢爲尚書祠部

郎世說賢媛篇注

許奇爲尙書左丞有準繩節操

御覽二百十三
書鈔六

十引同操上脫節字下有也字

許猛允子

猛禮學儒博加有才識爲幽州刺史

世說賢媛篇注

鄭默 鄭球 鄭豫

默遵守家業以篤素稱位至太常默弟質舒
詡皆爲卿默子球清直有理識尙書左僕射
領選球弟豫爲尙書

魏志鄭渾傳注

鄭詡

詡字思淵榮陽開封人爲衛尉卿祖泰揚州
刺史父褒司空

世說排調篇注

盧浮

浮高朗經博有美於華起家太子舍人病疽
截手遂廢朝廷器重之以爲國子博士遷祭
酒永平中爲秘書監

魏志盧毓傳注

張華博識多聞無物不知盧浮高朗經博有
美於華起家爲太子舍人

藝文四十九
書鈔六十六引盧浮

爲太子舍人

盧珽 盧諶

珽及子浩志並至尙書志子諶溫嶠表稱諶
清出有文思

魏志盧毓傳注

李膺

李膺爲吏部尙書正身率職不撓故能行其
所見遂刊定選例而著于令

藝文四十八
御覽二百十四

書鈔六十引至遂刊定選例不撓上有不
傾二字例作制又三十七引率職作率下撓
上有傾字引至此止
白帖吏部引正身上
有稱字率職下卽接刊定至末

民國甲戌

三工部

華廙

廙有文翰歷位尚書令太子少傅追贈光祿大夫開府廙三子昆字敬倫清粹有檢爲尚書蒼字敬叔

魏志華歆傳注

華廙字長駿爲中書監時戎事多不泄廙年老病風令其子蒼草詔先時荀勗爲監末年亦使息組

原譌但

書詔草前後相承以子弟管

之書鈔五十七

華廙爲中書監時事多不泄啟世祖乞授子

薈答詔先時荀勗爲中書監末年亦使息組
書詔草傳祇爲中書監病風復使息暢書啟
事皆前後相承以子弟管之

御覽二百二十

華嶠 華澹

嶠字叔駿有才學撰後漢書世稱爲良史爲
秘書監尙書澹字玄駿最知名爲河南尹

魏志

華歆傳注

劉毅

劉毅字仲雄爲司隸奏太尉何曾尙書劉寔

父子及羊琇張他等所犯狼籍司部守令事
相連及覩風投印綬者甚衆皆以爲毅能繼
諸葛豐蓋寬饒也

御覽二百五十

劉暉

劉暉遵其家業用心厲正爲侍御史之職

書鈔

六十二

劉暉爲侍御史部尙書郎郭彰呵暉我不敢
截君角暉厲色曰天子法官而索截角彰何
敢爾索紙筆奏之彰伏坐不敢與校衆人解

而止噉嚴直之望聞於內外

書鈔三十七

劉噉爲侍御史修復庫事及軍器白上云郭章豪強輕噉小官上呵噉曰我不能截君角以待御史著法冠有兩角

書鈔一百二十七

和嶠

嶠字長輿汝南西平人父道太常知名嶠少以雅量稱深爲賈充所知每向世祖稱之歷尙書太子少保

世說方正篇注

和嶠字長輿道

原說

之子也少知名以雅重

稱常慕其舅夏侯玄之爲人厚自封植巍然
不羣拜黃門郎遷中書令轉尚書愍懷太子
初立以嶠爲少保加散騎常侍家產豐富擬
於王公而性至儉吝嶠同母弟郁素無名嶠
輕侮之以此爲損卒於官贈光祿大夫郁以
公彊當世致位尚書令

魏志和洽傳注 御覽四百七十一引至

性至儉吝

嶠常慕其舅夏侯玄爲人故於朝士中峨然
不羣時類憚其風節

世說賞譽篇注

嶠性不通治家富擬王公而至儉將有犯義之名

世說儉嗇篇注

惠帝以吏部尙書和嶠爲太子太保

御覽二百四

四

羊琇

羊琇字稚舒泰山人通濟才術與世祖同年相善謂世祖曰後富貴時見用作領護軍太子詹事世祖卽位累遷左將軍中護軍特進

文選沈休文齊故安陸昭王碑文注世說方正篇注引稚作穉才術作有才幹領護軍

傅暢晉諸公讚

二六

作各十年無太子詹事四字特進上無中護車三字

都官從事程偉案狀羊琇所犯狼籍琇卽遣家人待銅弩牙首入重法時人皆謂琇有權智世祖詔免琇官

御覽三百四十八

王戎

戎字濬冲琅邪人太保祥宗族也文皇帝輔政鍾會薦之曰裴楷清通王戎簡要俱辟爲掾晉踐阼累遷荊州刺史以平吳功封安豐侯

世說德行篇注

王戎爲荊州刺史揚烈將軍嶺南蠻校尉

御覽

二百四十二

戎性簡要不治儀望自遇甚薄而產業過豐
論者以爲台輔之望不重

世說儉嗇篇注

王戎字濬冲戎爲選官時江夏李重字茂曾
汝南李毅字茂彥重以清尙毅以淹通二人
操異俱處要職戎以識會待之名得其用

文選

任彥昇出郡傳舍哭范僕射詩注又王文憲
集序注引無字濬冲三字選官時下作李重
李毅二人操異至末其用作其所

王衍

夷甫好尚談稱爲時人物所宗

世說言語篇注

夷甫性矜峻少爲同志所推

世說品藻篇注

王玄

王玄字眉子夷甫子也東海王越辟爲掾後
行陳留太守大行威罰爲塢人所害

世說識鑒篇注

玄少希慕簡曠

世說賞鑒篇注

王綏

王綏字萬子辟太尉掾不就年十九卒

世說賞鑒

篇注

傅咸

傅咸字長虞爲左丞臺閣大小望風自肅

御覽

二百十三

傅祗

祗字子莊潏少子也晉永嘉中至司空祗子

宣字世弘

魏志傅祗傳注

司徒傅祗以足

二字原缺

疾遜位不許板輿上殿

御覽

二百八又七百七十四

引祗謗作板輿

作輿

文選潘安仁閒居賦注

引傅祗以足

民國甲戌

傅賜晉諸公贊

云江都朱氏

疾板輿上殿

衛尉傅祗以風疾遜位加光祿大夫門施行
馬御覽二百四十三

李重

李重字茂重江夏鍾武人少以清尚見稱歷
吏部郎平陽太守

世說品藻篇注

重以清尚稱相國趙王倫以重望取爲右司
馬重以倫將爲亂辭疾不就倫逼之不已重
遂不復自活至於篤困扶曳受拜數日卒贈

散騎常侍重二弟尙字茂仲矩字茂約永嘉
中並典郡矩至江州刺史重子式字景則官
至侍中魏志李通傳注世說品藻篇注引趙王爲相國取重爲左司馬至散騎常侍倫逼之不已作敦喻之數日卒下有時人惜之四字

王浚

王浚字彭祖爲幽州刺史尋洛陽破浚承制
建行臺以宗廟焚毀設壇望祀七室及功臣
配食者藝文三十八五百三十一初學記十三御覽

潘滔

泊以博學才量爲名永嘉末爲河南尹遇害
魏志衛覲傳注

武陔

武陔遷爲右光祿開府正身率職朝論歸美
書鈔五十六

邢喬

顒曾孫喬字魯伯有體量局幹美於當世歷
清職元康中與劉渙俱爲尙書吏部郎稍遷
至司隸校尉

魏志邢顒傳注

喬字曾伯河間人有才學仕至司隸校尉

世說

賞鑒篇注案曾字疑誤

李順

順字曼長仕至太僕卿

世說賞鑒篇注

阮咸

律成散騎侍郎阮咸謂勗所造聲高高則悲夫亡國之音哀以思其民困今聲不合雅懼非德政中和之音必是古今尺有長短所致然今鐘磬是魏時杜夔所造不與勗律相應

音聲舒雅而久不知夔所造時人爲之不足
改易曷性自矜乃因事左遷咸爲始平太守
而病卒後得地中古銅尺校量曷今尺短四
分方明咸果解音然無能正者世說術解篇注文選五
君詠注引中護軍長史阮咸唱議荀曷所造
樂聲高聲高則悲亡國之音哀以思今聲不
合雅懼非德政中和之善必古今長短之所
致後掘地得古銅尺歲久欲腐壞以此尺度
於曷今尺短四分時人名咸爲解音

世祖時以荀曷所造律班示朝臣散騎侍郎
阮咸唱議謂曷所造聲高必由古今尺有長

短所致然曷亦照案經典竿而制之又求古
器得周時玉律比校正同荀勗奏曰中所出
御府銅竹律二十五具部太常樂郎正劉秀
等校試其三具與杜夔左延年法同其二十
二具視其銘題尺寸是笛律也問協律中郎
將劉和云昔魏明帝時令和丞受笛聲以作
此律欲使學者別居一坊歌詠備習依此律
調至於都合樂時但識其尺寸之名則絲竹
歌皆得均合歌聲濁者用長笛長律歌聲清

者用短笛短律凡弦歌調張清濁之制不依
笛尺寸名之則不可知也

御覽十六

勗性自矜左遷咸爲始平太守

文選顏延年五君詠注

向純 向悌

洛陽敗純悌出奔爲賊所害

世說賞譽篇注

王恂 王虔 王愷

恂兄弟八人其達者虔字恭祖以功幹見稱
位至尙書弟愷字君夫少有才力而無行檢
與衛尉石崇友善俱以豪侈競於世終於後

將軍虔子康隆仕亦官達爲後世所重

魏志王肅

傳注

王愷

王愷字君夫東海人王肅子也雖無檢行而少以才力見名有在公之稱旣自以外戚晉氏政寬又性至豪舊制鳩不得過江爲其羽櫟酒中必殺人愷爲翊軍時得鳩於石崇而養之其大如鵝喙長尺餘純食蛇虺司隸奏按愷崇詔悉原之卽燒於都街愷肆其意色

無所忌憚爲後軍將軍卒諡曰醜

世說汰侈篇注

石崇

石崇爲南中郎將

御覽二百四十一

石崇好俠與王愷競相誇衒也

世說汰侈篇注

山該

山該字伯倫司徒濤長子也雅有器識仕至

左衛將軍

世說方正篇注

嵇紹

康子紹

文選嵇叔夜與山巨源絕交書注

康遇事後二十年紹乃爲濤所拔

世說政事篇注

紹與山濤子簡弘農楊準同好友善而紹最有忠正之情以侍中從惠帝北伐成都王王師敗績百官皆走惟紹獨以身扞衛遂死於帝側故累見褒崇追贈太尉諡曰忠穆公

魏志

王粲傳注

王烈

烈字陽秀蚤知名魏朝爲治書御史

世說賞譽篇注

郝隆

隆字弘始高平人爲人通亮清識爲吏部郎
揚州刺史齊王冏起義應檄稽留爲參軍王
邃所殺

世說品藻篇注

王堪

堪字世胄東平壽張人少以高亮義正稱爲
尚書左丞有準繩操爲石勒所害贈太常

賞譽篇注

世說

惠帝幸長安東海王越表王堪爲尚書右僕
射假節都督奉迎諸軍事進於灊水上與郭

偉力戰堪仗節臨陣慷慨氣冠六軍卽斬偉
迎惠帝還洛陽其後爲石勒所襲壘破左右
扶堪上馬堪慨然嘆曰我國家大將不能禦
難以至於此奈何面目復還朝廷終不動騎
遂至遇害

初學記十七

書鈔六十四引王

堪字世胄行車騎將軍征討諸軍

事爲敵所襲堪嘆曰我國家大將至末下有

孝懷悼之四字

袁粲

亮子粲字儀祖文學博識累爲儒官至尙書

魏志袁渙傳注

民國甲戌

傅暢晉諸公贊

三
江都朱氏

劉疇

傳宣定九品未訖劉疇代之悉改宣法於是

人人望品來者奔競

文選任彥升王文憲集序注又干令升晉紀總

論注引人人望品來者奔競來誤作求

劉淮

淮字君平沛國杼秋人少以清正稱累遷河

內太守侍中尙書僕射司徒

世說方正篇注

劉粹

粹沛國人歷侍中南中郎將

世說賞譽篇注

劉宏

宏歷祕書監光祿大夫

世說賞譽篇注

梅頤

頤字仲真汝南西平人少好學隱退而求實

進止

世說方正篇注

溫幾

溫幾字元甫太原人才性清婉歷司徒右長

史湘州刺史卒官

世說賞譽篇注

孫秀

孫秀字俊忠琅邪人初趙王倫封琅邪秀給
爲近職小吏倫數使秀作書疏文才稱倫意
倫封趙徙戶爲趙人用爲侍郎信任之
世說賢媛篇注

劉弘

於時天下雖亂荊州安全弘有劉景升保有
江漢之志不附太傅司馬越越甚銜之會弘
病卒子璠北中郎將
魏志劉瓛傳注

劉雄

劉雄遷吏部尙書執心平當

書鈔六十

齊萬年

惠帝元康五年武庫火北地盧水胡蘭羌因
此爲亂推齊萬年爲主

文選潘安仁馬汧督
誄注又關中詩注引

北地至末蘭羌上有馬字

楊喬

喬似淮而疎皆爲二千石

世說品藻篇注

楊髦

髦爲石勒所害

世說品藻篇注

鄒湛

湛字潤甫新野人以文義達仕至侍中世說排調篇注

蔡充

充字子尼陳留雍邱人世說輕詆篇注

王澄

王澄字平子有達識荊州刺史世說德行篇注

繆播

懷帝以繆播爲中書令朝事莫不諮之人君

之所取信於臣下無以尙也

藝文四十八
御覽二百二十

葛蕃

葛蕃傳檄平陽求連和迎上上於是見害

文選

劉越石勸進表注

祖約

祖約少有清稱

世說賞譽篇注

陳勰

陳勰以工巧見稱

御覽七百五十二

庾峻

庾峻自司空長史遷祕書監幽讚符命天文
地理因有述焉

書鈔五十七 初學記十二
御覽二百三十三

陳狼

都水使者陳狼鑿運渠從洛口入注九曲至
於東門

水經穀水注引傅暢晉書

劉希彭

劉希彭依烈有才用也

文選袁湯源做曹子
建樂府白馬篇注

劉禪

劉禪乘騾車詣艾不具亡國之禮

蜀志後主
傳注 御

卷九百一引至詣鄢艾

孫楷

吳平降爲度遼將軍永安元年卒

吳志宗室傳注

象

晉時南越致馴象於臯澤中養之爲作車黃門鼓吹數十人令越人騎之每正朝大會皆入充庭帝行則以象車導引以試橋梁後象以鼻擊害人有司奏之而殺象垂鼻泣血流地不敢動自後朝議以象無益於事悉送還

越

初學記二十九

御覽

八百九十引殺象

下無垂鼻二字泣血上有象字又七百七

十五引平吳後南

越獻馴象作大車駕之載

黃門鼓吹數十人

子史鈎沉

逸書考

荀綽晉後畧

甘泉黃奭學

晉武帝

世祖自平吳之後天下無事不能復孜孜於事物始寵用后黨由此祖禰採擇嬪媛不拘拘華門父兄以之罪亶非正形之謂字有局訛誤禁以之攢聚實耽穢之甚昔武王伐紂歸傾宮之女助紂爲虐句有脫誤而世祖平皓納吳姬五千是同皓之弊也羣書治要二十九引荀綽畧記

賈后

賈后既殺楊庶人於金墉城又信妖巫謂后既死必訴怨於先帝乃覆而殯之施諸厭劾符書藥物以含瘞之

御覽一百三十八

賈后以鹿車出承明東掖東門詣金墉城食金屑而死

御覽一百三十八又入百十引無出承明東掖東門七字

成都王

成都王圍京邑城中魚肉無出營巷賣死驢馬肉雜死人肉賣之

御覽八百二十八引晉後記

成都王圍京邑城中無菜採陳韭芥以爲膳

菜

御覽九百七十六

張方

張方兵入洛諸官府大劫掠御寶織成流蘇
皆分割爲馬帳

御覽八百十六

張方圍京邑決千金堰千溝渠枯涸井多無

泉

御覽七十三

荀勗

鍾律之器自周之末廢而漢成哀之間諸儒

脩而治之至後漢末復隳矣魏氏使協律知音者杜夔造之不能考之典禮徒依於時絲管之聲時之尺寸而制之甚乖失禮度於是世祖命中書監荀勗依典制定鍾律既鑄律管募求古器得周時玉律數枚比之不差又諸郡舍倉庫或有漢時故鍾以律命之皆不叩而應聲音韻合又若俱成

世說衛解篇注

劉漢

漢少以清識爲名與王夷甫友善並好以人

倫爲意故世人許以才知之名自相國右

史出爲襄州刺史以貴簡稱

世說賞譽篇

馮播

播字友聲長樂人位至太宗正生孫

世說賞譽篇注

武舍

武舍字景緯官歷中庶子遷散騎常侍以母

在日誨云汝修其意仕當爲尙書郎懼進敘

有違前言乃辭常侍爲吏部郎

御覽二百十六引荀綽習

後畧

平史鈞沈

盧綝晉八王故事

甘泉黃爽學

世祖武帝

太康七年正旦日蝕詔公卿大臣各上封事
其咎安在汝南王亮與司徒舒司空瓘上言
三司之任天地人也乾道不普故水旱爲災
人倫失序故奸凶不禁乃者荊州之城妖災
仍興任城國都水流變赤延三朝之始日有
蝕之孟陽節過堅冰未消臣等瑣才叨優高

位可謂小人而乘君子之器宜就顯戮以答
天意謹免冠徒跣上所假章綬詔曰夫陰陽
失序朕干天道刑政失中之所致也其使冠
履勿復道書鈔五十
說郭五十九舒上有
魏字璿上有
衛字奸凶作奸究叨
優作聽優章綬下脫詔曰二字

惠帝

張方逼上出謁宗廟上以青筒詔勅中書曰
朕體中不佳不堪出也書鈔一百三

張方將移惠帝於長安入殿奉迎自領五千

馬皆捉鐵錘梨二節髮眊繫兜鍪皆用涼州
白鶴毛天子望之大驚御覽九百二十四
說郭五十九錘作匣
鶴作鷗當從之

汝南王

汝南王葬詔賜冰五斛書鈔一百五十九

趙王倫

初趙王倫將篡位洛下童謠曰屠蘇郭日覆
兩耳當有瞎兒作天子於是商農通著大裁
郭日倫實眇目也御覽六百八十七

東海王越

司馬越字元超高密王泰長子少尙布衣之
操爲中外所歸累遷司空太傅

世說雅量篇注

東海王越治郾城城無故自壞七十餘丈越
惡之移治濮陽城南

水經河水五注

長沙王乂

世祖第十七子

世說言語篇注

成都王穎

司馬穎字叔度世祖第十九子封成都王

將軍 世說言語篇注

范陽王

范陽王保於鄂坂後於其上置關

寰宇記南道西京

按氏緊

楊濟

濟字文通弘農人楊駿弟也有才識累遷太

子太保與駿同誅

世說方正篇注

董艾

艾字叔智弘農人祖遇魏侍中父紇祕書監

艾少好功名不修士檢齊王起義艾爲新汲
令赴軍用艾領右將軍王敗見誅

世說方正篇注

馮蓀

蓀少以才悟識當世之宜蚤歷清職仕至侍
中爲長沙王所害

世說賞譽篇注

三才

劉與才長綜覈潘滔以博學爲名裴邈彊立
方正皆爲東海王越所曜俱顯一府故時人
稱曰與長才滔大才邈清才也

世說賞譽篇注

陸機

華亭吳由拳縣郊外墅也有清泉茂林吳平

後陸機兄弟共遊於此十餘年

世說尤悔篇注

陸機爲成都王所誅顧左右嘆曰今日欲聞

華亭鶴唳不可復得華亭吳國奉縣郊外之

野機素遊之所

藝文九十

御覽九百十六

遠舞鵠賦注引陸機嘆曰欲聞華亭鶴唳不可復得又謝玄暉敬亭山詩注引同復得作

得也

潘岳

岳與湛著契故好同遊

世說容止篇注

周浚

浚字開林汝南安城人少有才名太康初平吳自御史中丞出爲揚州刺史元康初加安東將軍

世說賢媛篇注

王衍

夷甫容貌整嚴妙於談玄恒捉白玉柄麈尾與手都無分別王戎云太尉神姿高徹如瑤瓊樹自然是風塵外物王公目太尉巖巖

壁立千仞王敦稱太尉處衆人中似珠

玉在瓦石間

說郛五十九

夷甫雖居台司不以事物自嬰當世化之羞
言名教自臺郎以下皆推崇拱默以遺事爲
高四海尙寧而識者知其將亂

世說輕詆篇注

石勒見夷甫謂長史孔萇曰吾行天下多矣
未嘗見如此人當可活不萇曰彼晉三公不
爲我用勒曰雖然要不可加以鋒刃也夜使
推牆殺之

世說賞譽篇注

說郛五十九

胡母輔之

胡母輔之少有雅俗鑒識與王澄庾敳王敦

王夷甫爲四友

世說品藻篇注

王玄

玄爲陳留太守或勸玄過江投琅邪王玄曰
王處仲得志於彼家叔猶不免害豈能容我
謂其器宇不容於敦也

世說賞譽篇注

楊淮六子

楊淮有六子曰喬髦朗琳俊仲皆得美名論

者以爲悉有台輔之望文康庾公每追嘆曰
中朝不亂諸楊作公未已也

世說實譽篇注

卞粹

卞粹以才識清辨見稱爲太子舍人

書鈔十六

公孫崇

公孫崇字顯宗譙國人爲尚書郎

文選稽叔夜與山巨

源絕交書注

子史鈎沈

逸書考

盧綝晉四王遺事

一作趙事

甘泉黃奭學

孝惠帝

惠帝征成都王於安陽城北軍敗日已向中而太官未暇進食左右有賁秋桃十枚便以獻帝帝食三枚石超使人擘手奪三枚

御覽九百六十七

惠帝於鄴與成都王還洛陽出城倉卒上下

民國甲戌

盧綝晉四王遺事

江都朱氏

無持資食之調道中有驅羊二百餘口者便
勒將至洛得以爲糧至洛盧志啟以右藏絹
倍還羊主

御覽八百十七

成都王穎奉惠帝還洛陽道中於客舍作食
宮人持斗餘粳米飯以供至尊大蒜鹽豉到
獲嘉市蠶米飯瓦孟盛之天子噉兩孟燥蒜
數株鹽豉而已

御覽九百七十七又八百五
十引惠帝還洛陽路中作飲

食宮人有持升

餘米飯者燒以供至尊

書

鈔一百四十三

引惠帝還洛陽道間中於客

舍作飲食宮人有持升餘粳米飯者以供至
尊又二十一引客舍作食

惠帝蒙塵洛陽黃門以瓦盃盛茶上至尊

御覽

七百六十八百六十七引同書鈔一百四十四陳補引至尊下有飲以爲嘉四字又二十一引慘茶煮飯不知所屬附記於此

惠帝征成都軍敗帝渴帳下齎五升銅灌就

民家取水就灌飲之

御覽七百三十五陳補引

書鈔

惠帝還洛陽道中有老公蒸雞素木槩中盛

以奉帝

御覽七百五十八

惠帝還洛陽得鹿犢車一乘以單帛裙爲幃

御覽六百九十六

惠帝與成都王自鄴還洛陽既至賜中書監
盧志雲鶴綾袍一領

書鈔一百二十九

建武元年天子還洛陽右將軍張方啟陛下
自鄴來還宜謁宗廟天子出因便劫啟移都
其夜方悉引兵從西明廣陽諸門入自領五
千騎皆捉鐵纏稍繫兜鍪焦茸皆用涼州白
鶡毛望之若茶

御覽三百五十六又八百十

皆鐵纏稍

案晉書是年爲永興元年秋七

月庚子改元爲建武
張方劫帝西遷國家有寶物詔右將軍載之

於是放軍人八千餘人三日輦之尚不缺

眞珍百餘斛

御覽八百三又引惠帝遷長安時洛陽御府有大珠璫百餘斛

張方移惠帝於長安兵人入殿取物持調御

絹二疋幅

疋上疑有脫字

自魏晉之積將百餘萬疋

三日撻之尚不缺角

御覽八百十七

天子自鄴還洛右將軍張方逼帝幸長安河

間王率參佐到霸水上迎大兵去路百餘步

銜枚屯列

御覽三百五十七

惠帝到華陰河間王遣使上甘菓甘餽二百

盧綝晉四王遺事

三

幅御覽八百五十二

惠帝征成都王穎戰敗時舉輦司馬八人輦
猶在肩二軍人競就殺舉輦者乘輿頓地帝
傷三矢百僚奔散唯侍中嵇紹扶帝上將兵
之帝曰吾吏也勿害之衆曰受太弟命唯不
可陛下下一人耳遂斬之血汙帝袂將洗之帝
召給侍中血勿洗也

水經蕩水注

子史鈎沈

逆書考

伏侯古今注

甘泉黃奭學

孔子生

孔子生之夜有二蒼龍自天而下有二神女
擎香霧於空中以沐徵在先是五老列於
庭前則五星之精有麟吐玉書於闕里人家
云水精之子繼商周而素王出故蒼龍繞室
五星降庭徵在知其爲異乃以繡紱繫麟角
而去至敬王末魯哀公十四年魯人鉏商田

於大澤得麟以告夫子夫子知命之終乃抱
麟解紱而去涕泗焉

孫穀古微書孝經鈞命訣著錄

秦錢

秦錢半兩徑寸二分重十二銖榆莢錢重三

銖

史記平準書索隱洪遵
泉志引鑄莢錢重三銖

蒲脯鹿馬

秦二世時趙高先獻蒲脯鹿馬以驗羣臣

書鈔

蒲脯部

天文

光武建武六年九月丙戌月犯太微西藩十

一月辛亥月犯軒轅

後漢書天文志注

七年九月庚子土入鬼中

全上

八年三月庚子夜月暈五重紫微青黃似虹

有黑氣如雲月星不見丙夜乃解

後漢書五行志注

茲輯凡於帝號年號爲諸書引注文所有者僅載前一事如此條則光武建武四字是也餘不復贅其有改元年號則併載之其原引帝號年號無明文者則併依漢書增入其有帝號無年號者則增年號有年號無帝號者則增帝號其中或有月日語意未完晰者亦間依漢書增入數字非敢妄加附會也

十年正月壬戌月犯心後星閏月庚辰火入

輿鬼過軫北庚申月在斗赤如丹

後漢書天文志注

十二年正月丁丑月彗軒轅大星二月辛亥
月入氏暈珥圍角亢房七月丁丑月犯昴頭
兩星八月辛酉水見東方翼分九月甲午火
犯輿鬼十月丁卯大星流有光發東井西行

聲隆隆

上全

十二年二月乙卯火犯輿鬼西北

上全

十六年四月土星逆行

上全

十七年三月乙未火逆行從東門入太微到

執法星東已西南出端門

上全

十八年十二月壬戌月犯木星

上全

十九年閏月戊申火逆行從氐到亢

上全

二十一年七月辛酉火入畢

上全

二十三年三月癸未月食火星

上全

三十一年七月戊申月犯心後星

上全

中元元年三月甲寅月犯心後星

上全

明帝永平元年閏九月辛未火在太微左執法

法星所光芒相及十一月辛未土逆行乘車

井北軒轅第二星

上全

二年十二月戊辰月食火星

上全

三年六月丁卯彗長三尺所見三十五日乃

去

後漢書明
帝紀注

七年三月庚戌客星光氣二尺所在太微左

執法南端門外凡見七十五日

後漢書天
文志注

八年十二月戊子客星出東方

上全

九年正月戊申客星厯斗建箕房過角亢至

翼芒東指

上全

十年七月甲寅月犯歲星

上全

十一年六月壬辰火犯土星

上全

十三年十一月客星出軒轅四十八日十二

月戊午月犯水星

上全

十六年正月丁未月犯房

上全

章帝建初元年二月甲申金入斗魁

上全

三年二月戊辰木火具在參三月戊寅木水

在東井

上全

六年七月丁酉夜有流星起軒轅大如拳厯

文昌餘氣正白句曲西如文昌久久乃滅

上全

和帝永元元年正月辛卯流星大如拳起參

東南癸亥鎮在參又流星大如桃色赤起太

微東藩三月戊子土在參丙辰流星大如桃

起天津東至斗黃白頻有光壬戌流星起天

將軍東北色黃無光十一月壬申鎮星在東

井

上全

二年正月丙寅水在奎土在東井金在婁木

火在昴三月甲子火在亢南端門第一星南
乙亥金在東井四月丁丑火在氐東南星東
南上全

五年正月甲戌月乘歲星四月木在輿鬼上全

六年六月丁亥金在東井閏月己丑流星大

如桃起參北西至參肩南稍有光上全

八年九月辛丑夜有流星大如拳起婁上全

十一年六月庚辰月入畢中上全

十三年正月辛未水乘輿鬼十二月癸巳犯

軒轅大星

上全

十四年正月乙卯月犯軒轅在太微中二月
十日丁酉水入太微西門十一月丁丑有流
星大如拳起北斗魁中北至閣道稍有光色
赤黃須臾西有雷聲

上全

殤帝延平元年七月甲申月在南斗中

上全

安帝永初二年四月乙亥月入南斗魁中八

月己亥熒惑出入太微端門

上全

三年三月壬寅熒惑入輿鬼中五月丙寅太

白入畢中

上全

四年二月丙寅月犯軒轅大星

上全

元初六年星盡見

後漢書五行志注

延光元年四月丙午太白晝見

後漢書天文志注

四年四月甲辰太白入輿鬼中

上全

順帝永建元年二月甲午客星入太微五月

甲子月入斗

上全

二年二月丁巳月犯心七月丁酉犯昴九月

戊寅有白氣廣三尺長十餘丈從北落師門

南至斗

上全

三年二月癸未月犯心後星六月甲子太白

晝見

上全

四年二月癸丑月犯心後星

上全

五年閏月庚子太白晝見

上全

六年彗星出於斗牽牛滅於虛危虛危爲濟

牽牛吳越故海賊浮於會稽山賊捷於濟南

五月夏熒惑守氏諸侯有斬者是冬班始腰

斬馬市

上全

陽嘉二年四月壬寅太白晝見五月癸巳又晝見十一月辛未又晝見十二月壬寅月犯太白

上全

三年十二月辛未太白晝見

上全

四月乙卯太白熒惑入輿鬼

上全

按漢書順帝紀陽嘉四年後改元永和天
文志注引古今注年失載其云四月乙卯
在陽嘉三年十二月之後永和元
之前自當是四年四月事備攷

永和元年五月丁卯太白犯牽牛大星

上全

二年九月壬午月入畢口中

上全

三月八月己酉熒惑入太微十二月丁卯月

犯軒轅大星

上全

六年五月庚寅太白晝見十一月甲午太白

晝見

上全

漢安元年二月壬午歲星在太微中八月癸

丑月犯南斗入魁中

上全

漢安二年五月丙辰月入斗中

上全

冲帝建康元年九月己亥太白晝見

上全

質帝本初元年三月丁丑月入南斗

上全

郡國

光武建武十一年十月西河上郡屬魏

後漢書郡

注國志

十八年使中郎將耿遵築舂陵城

全上玉海一百七

兩引

二十七年代郡屬幽州

後漢書注全上

明帝永平十年作常山浮沱河蒲吾渠通漕

船也

全上

十年置益州西部都尉治犍唐鎮尉哀牢人

牒榆蠻夷

今上西南夷列傳注

劉盆子

附

赤眉賊立劉盆子於鄭北在枯橿山下

後漢書郡

國志注

伏無忌記戶口及墾田大數

附

光武中元二年戶四百二十七萬九千六百三十四口二千一百萬七千八百二十

後漢書郡

國志注

明帝永平十八年戶五百八十六萬五百

七十二口三千四百一十二萬五千二十

一

上全

章帝章和二年戶七百四十五萬六千七百八十四口四千三百三十五萬六千三百六十七

上全

和帝永興元年戶九百二十三萬七千一百一十二口五千三百二十五萬六千二百一十九墾田七百三十二萬一百七十頃八十畝百四十步

上全

安帝延光四年戶九百六十四萬七千八百三十八口四千八百六十九萬七百八十九墾田六百九十四萬二千八百九十二頃一十三畝八十五步

上全

順帝建康元年戶九百九十四萬六千九百一十九口四千九百七十三萬五百五十墾田六百八十九萬六千二百七十一頃五十六畝一百九十四步

上全

冲帝永嘉元年戶九百九十三萬七千六

百八十口四千九百五十二萬四千一百
八十三墾田六百九十五萬七千六百七
十六頃二十畝百八步

上全

質帝本初元年戶九百二十四萬八千二
百二十七口四千七百五十六萬六千七
百七十二墾田六百九十三萬一百二十
三頃三十八畝

上全

帝號

光武帝秀

秀之字曰茂

後漢書光武帝紀注

孝明帝莊

莊之字曰嚴

後漢書孝明帝紀注

孝章帝烜

烜之字曰著

後漢書孝章帝紀注

孝和帝肇

肇之字曰始

後漢書孝和帝紀注

案李賢漢書注引古今注云伏侯肇音許慎說文肇音火可反上諱也伏侯許慎並漢時人而帝諱不同蓋應別有所據何義門讀書記云案今徐鼎臣所定說文

直夫火可之音又無一語證明後此
字書亦遂仍之恐昧多聞闕疑之意

孝殤帝隆

隆之字曰盛

後漢書孝
殤帝紀注

孝安帝祐

祐之字曰福

後漢書孝
安帝紀注

孝順帝保

保之字曰守

後漢書孝
順帝紀注

孝沖帝炳

炳之字曰明

後漢書孝
沖帝紀注

孝質帝纘

纘之字曰繼

後漢書孝質帝紀注

孝桓帝志

志之字曰意

明三省資治通鑑孝桓帝紀注

孝靈帝宏

宏之字曰大

後漢書孝靈帝紀注

胡三省

孝獻帝協

協之字曰合

胡三省資治通鑑孝獻帝紀注

寢

光武原陵山方三百二十三步高六丈六尺垣四出司馬門寢殿鐘虞皆在周垣內提封田十二頃五十七畝八十五步

後漢書禮儀志注

明帝顯節陵山方三百步高八丈無周垣爲行馬四出司馬門石殿鐘虞在行馬內寢殿園省在東園寺吏舍在殿北提封田七十四

頃五畝

上全

章帝敬陵山方三百步高六丈二尺無周垣爲行馬四出司馬門石殿鐘虞在行馬內寢

殿園省在東園寺吏舍在殿北提封田二十

五頃五十五畝

全上 和帝紀注引敬陵周三百步高六丈二尺

和帝愼陵山方三百八十步高十丈無周垣
爲行馬四出司馬門石殿鐘虡在行馬內寢
殿園省在東園寺吏舍在殿北提封田三十
一頃二十畝二百步

全上

殤帝康陵山周二百八步高五丈五尺司馬
四出司馬門寢殿鐘虡在行馬中因寢殿爲
廟園寺吏舍在殿北提封田十三頃十九畝

二百五十步

上全

安帝恭陵山周二百六十步高十五丈無周垣行馬四出司馬門石殿鐘虞在行馬內寢殿園寺吏舍在殿北提封田一十四頃五十

六畝

上全

順帝憲陵山方二百步高八丈四尺無周垣爲行馬四出司馬門石殿鐘虞在司馬門內寢殿園省吏舍在殿東提封田十八頃十九畝二十步

上全

冲帝懷陵山方百八十三步高四丈六尺爲
寢殿行馬四出門園寺吏舍在殿東提封田
五頃八十畝全上 質帝紀注引懷陵高
四丈六尺周百八十三步
質帝靜陵山方百三十六步高五丈五尺爲
行馬四出門寢殿鐘虞在行馬中園寺吏舍
在殿北提封田十二頃五十四畝因寢爲廟

全上

光武崩

附

中元二年崩是歲在丁巳

後漢書光
武帝紀注

祭祀

光武建武二年正月立高廟於雒陽校官立

之

後漢書祭祀志注

通典禮九

玉海九十七

一百十一

十八年七月使中郎將耿遵治皇祖廟舊廬

稻田

後漢書全上

玉

海一百七十六

二十一年二月乙酉徙立社稷上東門內

後漢

書全上

玉

海九十九

章帝元和三年初爲郡國立稷及祠社靈星

禮器也

後漢書注全上

玉海九十九兩引

漢制

高帝七年羣臣始朝十月

史高祖紀索隱

武帝常以春分行部郡國各遣一吏迎界上

後漢書百官志注

武帝天漢四年令諸侯王大國朱輪特虎居

前左兕右麋小國朱輪畫特熊居前寢麋居

左右

後漢書輿服志注玉海七十八通典禮二十五引惟小國下無朱輪畫三

字麋作麋皆

成帝鴻嘉二年令民得買爵級千錢

後漢書百官志

注

光武建武六年三月令郡太守諸侯相刺史

長史行事

通典職官十五
後漢書注全上

八月省都尉官

後漢書注全上
玉海一百三十七

初令關內侯食邑者奉月二十五斛

後漢書
注全上

玉海一
百三十四

八年立春賜束帛公十五匹卿十匹

後漢書
禮儀志

注御覽二十注引建武八年立
春勅賜公縑十匹卿七匹也

十三年初令令長皆小冠

後漢書輿
服志注

伏侯古今注

九月初開平城門

後漢書百官志注
玉海一百六十九

十四年封孔子後志爲褒城侯志時爲密令

後漢書光
武紀注

案漢書注引古今志疑志
卽古今注也故併載之

罷邊郡太守丞長史領丞職

後漢書百
官志注

二十年四月庚辰大司徒戴涉坐入故太倉

令奚涉罪下獄死

後漢書光
武紀注

二十六年四月戊戌增吏奉

後漢書百
官志注

王應麟曰漢紀云正月古
今注云四月戊戌未
知孰是或以爲正月
下詔四月定制

又據後百官志載百官受奉例更引古
今注云以此詔參之比六百石月五十斛
此增其五斛四百石四十五斛此各
增其五斛所謂增者止此他皆舊數

明帝永平元年六月乙卯初令百官驅雙白

幕皆霜

後漢書禮儀志注

二年十一月初作北宮朱爵南司馬門

後漢書百

官志注

十五年更作太尉司徒司空府開陽城門內

後漢書注全上

王應麟曰漢官掖七門古今
注載二門其餘日月皆靡記

章帝建初七年七月爲大司農置丞一人秩

千石別主帑藏

後漢書注全上

和帝永元三年七月增尙書令史員功滿未

嘗犯禁者以補小縣墨綬

後漢書注全上玉海一百二十三

引無未嘗犯禁者以六字

十二年封思王鈞弟番爲陽都鄉侯千秋爲

新平侯參爲周亭侯壽爲樂陽亭侯寶爲博

平侯旦爲高亭侯

後漢書孝明八王傳注

安帝永初六年正月甲寅皇太后率大臣命

婦謁宗廟

後漢書安
帝紀注

建光元年置漁陽營兵千人

全

順帝永和三年初與河南尹及雒陽員吏四

百二十七人奉月四十五斛

後漢書百
官志注

漢安元年七月置承華殿令秩六百石

後漢
書注

全上

玉海一百二十
十三一百四十八

災異

旱

武帝元封六年五月旱及女巫丈夫不入市

後漢書禮

儀志注

光武建武三年七月雒陽大旱帝

雨卽日雨

後漢書五行志注

六年六月旱

上全

九年春旱

上全

十二年五月旱

上全

二十一年六月旱

上全

明帝永平元年五月旱

上全

八年冬旱

上全

十一年八月旱

上全

十五年八月旱

上全

十八年三月旱

上全

章帝建初二年夏雒陽旱

上全

四年夏旱

上全

元和元年春旱

上全

和帝永元二年郡國十四旱

上全

十五年丹陽郡國二十二並旱或傷稼

上全

安帝永初元年郡國八旱分道議郎請雨

上全

三年郡國八旱

上全

四年夏旱

上全

五年夏旱

上全

建光元年郡國四旱

上全

延光元年郡國五旱傷稼

上全

沖帝本初元年二月京師旱

上全

火

光武建武六年十二月雒陽市火

後漢書五行志注

二十四年正月戊子雷雨霹靂火災高廟北

門

上全

明帝永平元年六月己亥桂陽見火飛來燒

城寺

上全

章帝建初元年十二月北宮火燒壽安殿延

及右掖門

上全

元和三年六月丙午雷雨火燒北宮朱爵西

闕

上全

安帝永初元年十二月河南郡縣火燒殺百

五人

上全

二年河南郡縣又失火燒五百八十四人

上全

順帝永建三年五月戊辰守宮失火燒宮藏

財物盡

上全

四年河南郡失火燒人及畜

上全

陽嘉元年十二月河南郡國火燒廬舍殺人

上全

永和六年十二月雒陽酒市失火燒肆殺人

上全

漢安元年三月甲午雒陽失火火或從室屋

間物中不知所從起數月乃止十二月雒陽

失火

上全

水

光武建武四年東郡以北傷水

後漢書五行志注

七年六月戊辰雒水盛溢至津城四帝自行水宏農都尉治折爲水所漂殺民溺傷稼壞

廬舍

上全

二十四年六月丙申沛國睢水逆流一日

夜止

上全

章帝建初八年六月癸巳東昏城下池水變

赤如血

上全

安帝延平六年河東水化爲血

御覽五十九

元初二年潁川襄城流水化爲血

後漢書五行志注

御覽五十九引作
水化爲血不流

雨

光武建武六年九月大雨連月苗稼更生鼠

桑樹上

後漢書五行志注

七年雒陽暴雨壞民廬舍壓殺人傷害禾

稼

上全

雹

光武建武十年十月戊辰樂浪上谷雨雹傷

稼

後漢書五行志注

十二年河南平陽雨雹大如杯壞敗吏民廬

舍

上全

十五年十二月乙卯鉅鹿雨雹傷稼

上全

和帝永平三年八月郡國十二雨雹傷稼

上全

十年郡國十八或雨雹蝗

上全

安帝元初四年樂安雹如杆殺人

上全

順帝永建三年郡國十二雨雹

上全

六年郡國十二雨雹傷秋稼

上全

蝗

光武建武二十二年三月京師郡國十九蝗

後漢書五行志注

二十三年京師郡國十八大蝗旱草木盡

上全

二十八年三月郡國八十蝗

上全

二十九年四月武威酒泉清河京兆魏郡安

農蝗

上全

三十年六月郡國十二大蝗

上全

三十一年郡國大蝗

上全

中元元年三月郡國十六大蝗

上全

明帝永平四年十二月酒泉大蝗從塞外入

上全

安帝永初六年郡國四十八蝗

上全

蛾

附

蛾飛廣五六丈

藝文類聚
九十七

伏侯古今注

三

案漢書元帝建昭元年秋八月有白蛾羣飛蔽日從都門至軹道類聚引漢書更引古今注年失載想卽建昭時事歟

疫

光武建武十三年揚徐部大疾疫會稽江左

甚

漢書五行志注

案何義門讀書記云漢光武帝紀十四年是歲會稽大疫古今注以爲十三年

二十六年郡國七大疫上全

日變

光武建武元年正月庚午朔日有蝕之卽更

始三年

後漢書五行志注

四年五月乙卯晦日有蝕之

上全

七年四月丙寅時日加卯西而東面有抱須
與成暈中有兩鉤在南北面有白虹貫暈在
西北南面有背在景加巳皆解

上全

九年七月丁酉日有蝕之

上全

十一年六月癸丑日有蝕之十二月辛亥日

有蝕之

上全

二十六年二月戊子日有蝕之盡

上全

中元元年十一月甲辰日中星齒往往出入

上全

明帝永平四年八月丙寅時加未日有蝕之

上全

五年二月乙未朔日有蝕之京師侯者不覺

河南尹郡國三十一上

上全

六年六月庚寅晦日有蝕之時雒陽侯者不

見

上全

八年十二月日有蝕之上

上全

十三年閏八月日有蝕之

上全

章帝建初元年正月壬申白虹貫日

上全

五年七月甲寅夜白虹出乙丑地西北山入

上全

七年四月丙寅日加卯西面有抱須臾成暈

有白虹貫日

上全

章帝元和元年九月乙未日有蝕之

上全

安帝永初三年三月日有蝕之

上全

殤帝延平元年六月丁未日暈上有半暈中

外有僞背兩珥十二月丙寅日暈再重中有

背僞

上全

順帝永建二年正月戊午白虹貫日

上全

三年正月丁酉日有白虹貫交暈中

上全

六年正月丁卯日暈兩珥白虹貫珥中

上全

永和六年正月己卯暈兩珥中赤外青白虹

貫暈中

上全

案漢書律歷志注云五行志章和元年訖

漢安二年日變二十三事古今注又長然

則此載者多矣俟更

錄之博雅君子焉

天變

漢武帝元朔四年雨土

御覽八百七十七

大雪松柏皆折

書鈔雪部引武帝四年事

昭帝始元元年雨土

路史注

二年雨土晝昏

御覽八百七十七

元鳳三年天雨黃土晝夜昏霾

御覽八百七十五

詹主事汝諧曰漢昭帝始元元年二月并雨土羅泌路史雨粟說與元朔元鳳二條并引注文惟一言古今注一言伏侯占豈無忌別有占驗書抑注中載占候事故有是名與又云注中虛危爲齊等語亦似占驗中語原輯缺始元元年雨土一條今補

入因并其語
書之以備考

宣帝地節元年上郡沙中夜風有火如粟出

不熱

御覽七十四
八百六十九

元帝建昭四年雨土

御覽八百
七十七

竟寧元年大霧樹皆白

御覽
十五

成帝建始三年七月夜有黃白氣長十餘丈

明照地或曰天裂或曰天劍

御覽
二

四年無雲而風天雷如擊連鼓音可四五刻

隆隆如車聲

御覽十三
事類賦注
引未有不能絕二字

光武建武十年遼東冬雷草木實

後漢書五行志注

明帝永平七年十月丙子越禱雷

上全

章帝建初四年五月戊寅潁陰石從天墜大

如鉄鑽色黑始下時聲如雷

上全

順帝永和四年四月戊午雷震擊高廟世祖

廟外槐樹

上全

物異

平帝元始三年延陵西園神寢內御座前大

鏡皆清液如汗水出狀

御覽七百十七

光武建武六年山陽有小蟲皆類人形甚衆

明日皆懸樹枝而死乃大蟻也

御覽九百四十四無乃大

蟻也四字

九百四十七

九年六郡八縣鼠食稼

後漢書五行志注

章帝建初三年丹陽宛陵民掘地得甲一

御覽

三百五十六

五年東海魯國東平山陽濟陰陳留民訛言

相驚有賊捕至京師民皆入城也

後漢書五行志注

和帝永元七年三月江夏縣民舍柱生兩枝

其一長尺五寸分爲八枝其一長尺五寸分爲五枝皆眚也

上全

安帝永初二年時州郡大饑米石二千人相

食老弱相棄道路

後漢書孝安帝紀注

殤帝延平元年五月河東垣山崩長七又廣

四尺

後漢書孝殤帝紀注

瑞應

甘露

光武建武二十年甘露下日南朱梧積四十

五日

藝文類聚
九十八

章帝元和二年甘露降河南

後漢書班固傳注

雨粟

武帝建元四年天雨粟

藝文類聚八十五
御覽八百四十五

宣帝地節三年長安雨黑粟

藝文類聚全上
御覽全上

元康四年長安雨黑黍粟如禾

藝文類聚全上
御覽八

百四
十二

元帝竟寧元年南陽山郡縣雨粟色青黑味

苦大者如豆小者如麻子赤黃味如麥

藝文類聚

全上無赤黃味如麥五
字御覽八百四十

光武建武二十年清河廣川雨粟大如莧實

色黑

御覽
全上

章帝建初二年九江壽春雨粟

全上

雨米

惠帝三年桂宮陽翟俱稻米

五色
線上

雨豆

宣帝元康四年南陽雨豆

藝文類聚八十五
御覽八百四十

明帝永平十八年下邳雨大豆似槐實

御覽全上

嘉禾

和帝元年嘉禾生濟陰城陽一莖九穗

藝文類聚

八十五

御覽八百三十九

玉海

一百九十九

元興元年黑黍穗一禾二實或三四實生任

城得粟三斛八斗以薦宗廟

藝文類聚全上御覽八百四

二十

安帝延光二年嘉禾生九真百五十六本七

百六十六穗

藝文類聚八十五御覽八百三十九玉海一百九十九

下有六月字無
五字六穗作八

旅豆

光武建武三年春縑一疋易一斗豆夏野生
旅豆民收取之

御覽八百四十一

嘉瓜

孝平帝元年武陵縣生瓜花如蔥紫色實如
小麥墮地復生

御覽九百七十八

野蠶

元帝永元四年東萊郡東牟山有野蠶爲繭

繭生蛾蛾生卵卵著石收得萬餘石民人以

爲蠶絮

藝文類聚六十五 御覽八百十九

卵著石九字 玉海一百九

十九引無繭生蛾以下云云

雨綿

漢帝永和年長安雨綿皆白

五色線上

雨絮

元帝五年長安雨絮垣屋上皆白民衣之

御覽

入百一十九

芝

漢武時甘泉殿房內產芝九莖連葉作芝房

之歌

御覽八百七十三

孝哀帝元嘉元年芝生後庭木蘭樹上

藝文類聚

八十

章帝建初五年芝生潁川常以六月中生一

葉五歲五重春青夏紫秋白冬黑色十月後

黃氣出上尺五寸

藝文類聚九十八御覽九百八十六

元和二年芝生沛如人冠大坐狀又生章武

如人抱三子狀

後漢書班固傳注引芝生沛有大坐二字藝文類聚九

十八 御覽
九百八十六

桐枝

昭帝元鳳二年馮翊人獻桐枝長六尺九枝

枝一葉也

藝文類聚八十八
御覽九百五十六

黃龍

高祖五年黃龍見華陽池十餘日

藝文類聚
九十八

玉海一百
九十八

九年見長安

並全
上

五鳳四年黃龍出廣漢

並全
上

甘露元年黃龍見新豐

並同上

二年龍見上郡騰躍五色升天丞相以下上

壽

並同上

章帝建初三年黃龍見汝南項氏田廬中長
五丈餘高二丈光耀廬舍及樹皆黃

藝文類聚九十

八

五年黃龍見零陵泉陵湘水中相與戲其二

大如馬有角六枚大如駒無角

後漢書孝章帝紀注玉

海二百引同

一百九十

入引無相與戲以下云云

民國甲戌

三三江都朱氏

元和二年黃龍見洛陽元延亭部

後漢書孝章帝紀注

玉海卷二百

和帝永元十年黃龍見潁川定陵民家井中

色黃目如鏡又見巴郡宕渠草木色皆黃

藝文類聚卷九十八

黃鵠

漢惠帝五年七月黃鵠二集蕭池

藝文類聚卷九十八

玉海一百九十九引無二字

白鳥

成帝河平四年白鳥集孝文廟殿下黑鳥從

之

藝文類聚

九十九

御覽九百二十玉海一百九十九

和帝元興元年白鳥一見廬江足皆赤

藝文類聚

九十九

御覽九百二十

三足鳥

章帝元和二年三足鳥集沛國

後漢書班固傳注藝文

類聚九十九

三年代郡高柳烏子生三足大如雞色赤頭

上有角長寸餘

藝文類聚九十九

民國甲戌

伏侯古今注

三

江都朱氏

所謂赤烏者朱烏也其所居高遠日中三足
烏之精降而生三足烏何以三足陽數奇也
是以有虞至孝三足集其庭會參耜瓜三足
萃其冠

初學記三十引末二語
御覽九百二十

五色雀

哀帝太初三年泰時殿中有雀五色頭有冠
長寸餘大似雀始到時雀環其旁

藝文類聚
九十九

御覽九百
二十二

鳩

平帝元始二年濟南鳩生白子

藝文類聚九十九卷御覽

九百二十一

麟

章帝元和二年麒麟見陳一角端如蔥葉色

赤黃

後漢書班固傳注玉海一百九十八無一角下九字

一角獸

章帝建初二年北海得一角獸大如麕有角

在耳間端有肉

後漢書范滂全上玉海一百九十八無有角下八字

白虎

章帝元和三年白虎見彭城

後漢書注全上

鹿

明帝永平九年三角鹿出江陵

初學記二十九御覽九

六百六

和帝永元十二年豫章餘干得白鹿高丈九

尺

藝文類聚九十五玉海一百九十八御覽九百六

白兔

成帝建平元年山陽得白兔目赤如朱

藝文類聚

九十九覽九百七

初學記二十九御覽九百七

玉海一百九十八

章帝元和二年白兔見

玉海一百九十八

九尾狐

章帝元和二年白狐九尾見信都

藝文類聚九十九

御覽九百九

玉珪

章帝建初七年玉珪出宏農華陰

藝文類聚八十三

玉海八十七

明珠

章帝元和元年明珠出館陶大如李有光耀

初學記

二十七

御覽八

百三

玉海一百九十六

三年明珠出豫章海昏大如雞子圍四寸八

分

初學記御覽
玉海並全上

章和元年鬱林大珠圍三寸

御覽八
百三

和帝永元五年鬱林降人得大珠圍五寸七

分

初學記御覽
玉海並全上

銅酒爵

章帝章和年銅酒爵出河內泌水

御覽七
百六十一